

Headline	Rugi, diisytihar bankrap bakar semangat juang Ikon Usahawan Muda		
MediaTitle	Berita Harian		
Date	31 Aug 2019	Color	Full Color
Section	Nasional	Circulation	82,252
Page No	78	Readership	246,756
Language	Malay	ArticleSize	170 cm ²
Journalist	N/A	AdValue	RM 5,629
Frequency	Daily	PR Value	RM 16,887



Rugi, diisytihar bankrap bakar semangat juang Ikon Usahawan Muda

Serdang: Pernah mengalami kerugian dan diisytiharkan bankrap tidak mematahkan semangat pengusaha bakeri untuk terus menggapai kejayaan dalam perniagaan itu sehingga dinobatkan sebagai Usahawan Muda.

Berkat semangat gigihnya yang tidak pernah berputus asa, Pengasas My Mum's Bakery, Anne Idris, 35, dinobatkan sebagai Ikon Usahawan Muda pada majlis Anugerah Ikon Usahawan Wanita 2019, Konvensyen Wanita 2019 sempena Minggu Usahawan Wanita 2019, di Tapak Ekspo Pertanian Malaysia (MAEPS), di sini, semalam.

"Bermula daripada kedai menjual kek pada 2016, perniagaan saya jatuh dan terpaksa berpindah ke rumah sehingga ke pasar tani sekitar Shah Alam.

"Rezeki saya mencurah apabila suatu hari kek saya ditempah oleh pemilik jenama tudung terkenal tempatan pada harga RM15,900.

"Sejak itu, saya mula menerima tempahan kek sehingga mencegah puluhan ribu ringgit untuk VIP dan digelar pembuat kek termahal," katanya yang menerima piala dan sijil.

Anugerah itu diumumkan Menteri Pembangunan Usahawan, Datuk Seri Mohd Redzuan Md Yusof.

Yang turut hadir; Ketua Setiausaha Kementerian Pembangunan Wanita, Keluarga dan Masyarakat, Datuk Junaidah Kamaruddin.

Empat lagi usahawan wanita turut menerima anugerah pada majlis itu, Pengasas Giggle Garage, Junaidah Joemin (Ikon Usahawan Digital); Pengasas Bersama Niqa Hijab Wash, Fazliatul Akmar Zainuddin (Ikon Usahawan Mikro); Pengasas Bersama Adeqsue, Shukuriah Abd Ghafar (Ikon Usahawan Halal) dan Pengasas Clara International, Prof Datin Dr Clara L Chee (Ikon Usahawan Berprestasi Tinggi).



Anne bersama trofi Ikon Usahawan Wanita diterima sempena Minggu Usahawan Wanita 2019, di MAEPS Serdang, semalam.

(Foto Zulfadhli Zulkifli/BH)